

## UGOVOR o implementaciji odobrenih sredstava

Zaključen između:

1. **Vlade Srednjobosanskog kantona - Ministarstvo privrede, ID 4236283090009, Stanična br.43 Travnik, koju zastupa Nisvet Hrnjić, ministar Ministarstva privrede (u daljem tekstu: Ministarstvo),**

i

2. \_\_\_\_\_  
Upisati naziv banke, id broj, sjedište ii lice ovlašteno za zastupanje

### UVODNE ODREDBE

Ugovorne strane saglasno konstatuju da se ovaj ugovor zaključuje na osnovu Odluke Vlade Srednjobosanskog kantona o usvajanju Godišnjeg programa razvoja male privrede Srednjobosanskog kantona broj: 01-11.7-1269/2023 od 23.02.2023.godine, Javnog poziva za odabir dvije banke za plasman kreditne linije uz subvencioniranje dijela kamatne stope ili profitne marže od strane Ministarstva privrede za privredna društva i obrtnike koji imaju sjedište na području Srednjobosanskog kantona, Odluke Vlade Srednjobosanskog kantona o dodjeli ugovora odabranim bankama za plasman kreditne linije uz subvencionisanje dijela kamatne stope ili profitne marže za privredna društva i obrtnike koji posluju na području Srednjobosanskog kantona, te u skladu sa Prijavom/ Ponudom odabrane prvoplasirane banke i izjavom o prihvatanju uslova prvoplasirane banke

#### 1. PREDMET I CILJ UGOVORA

- 1.1. Sredstva iz Budžeta se raspoređuju za subvencionisanje dijela kamatne stope ili profitne marže koja se obračunava na finansiranja privrednih društava i obrtnika koji posluju na području Srednjobosanskog kantona.
- 1.2. Cilj Ugovora je obezbijediti finansiranje/kreditna sredstva privrednim društvima i obrtnicima za produktivnije poslovanje i rast privrednih aktivnosti, kako bi se omogućilo pokretanje nove i održavanje postojeće proizvodnje, pružanje usluga, veća iskorištenost kapaciteta, održavanje postojećih radnih mjesta i novo zapošljavanje i povećanje izvoza te umanjevanje negativnih ekonomskih efekata uzrokovanih pandemijom i širenjem virusa COVID-19.

#### 2. ODOBRENI IZNOS SUBVENCIJE I PLAĆANJE

- 2.1. Ukupna visina odobrenih sredstava koja će Ministarstvo finansija SBK uplatiti za sufinansiranje profitne marže / kamatne stope iznosi: **200.000,00 KM (slovima: dvijestotinehiljada KM) za prvoplasiranu banku i 100.000,00 KM za drugoplasiranu banku.**
- 2.2. Uplatu navedenih sredstava iz prethodne tačke Ministarstvo finansija će izvršiti kumulativno nakon realizacije odobrenih finansijskih sredstava na račune odabranih banaka.

### **3. VISINA ODOBRENIH SREDSTAVA ZA KORISNIKE I NAČIN SUFINANSIRANJA KAMATNE STOPE ILI PROFITNE MARŽE OD STRANE MINISTARSTVA PRIVREDE**

3.1. Maksimalan iznos odobrenih finansiranja / kreditnih sredstava za obrtnike iznosi 50.000,00 KM, za privredna društva do 10 uposlenih iznosi 100.000,00 KM, za privredna društva od 10 do 50 uposlenih 200.000,00 KM, za privredna društva od 50 do 250 uposlenih 300.000,00 KM, za privredna društva preko 250 uposlenih 500.000,00 KM sa minimalnim rokom otplate do 12 mjeseci i maksimalnim rokom otplate do 60 mjeseci, uključujući grace-period do \_\_\_\_\_ mjeseci. Finansiranja se odobravaju uz kamatnu stopu od \_\_\_ %, a naknada za obradu finansiranja je \_\_\_ %. **Subvencija se obračunava kao 75 % ugovorene i plaćene profitne marže, zaokruženo na dvije decimale, po stopi od \_\_\_\_\_%.**

3.2. Na osnovu odobrenog finansiranja / kredita, a u skladu sa Ugovorom između Korisnika sredstava i Banke Ministarstvo će dostaviti nalog Ministarstvu finansija SBK za **kumulativnu uplatu 75 % kamatne stope ili profitne marže za ukupan period otplate svih finansiranja koja su odobrena od strane Banke**, a na bazi obavještenja koje Banka dostavi.

3.3. Krajnji rok za realizaciju kreditne linije je do utroška / **rezervisanja sredstava za subvencioniranje**, ali ne duže od 31.10.2023 godine.

3.4. Sva poslovna korespondencija oko odobravanja finansiranja / kredita vodit će se između Korisnika finansiranja i Banke.

3.5. Banka u potpunosti snosi rizik naplate odobrenih finansiranja / kreditnih sredstava – glavnice i pripadajuće profitne marže / kamate ;

3.6. Banka će voditi posebnu računovodstvenu evidenciju za sve korisnike po ovoj kreditnoj liniji;

3.7. Banka se obavezuje kvartalno izvještavati Ministarstvo o realizaciji ovog ugovora.

3.8. U periodu korištenja finansiranja / kredita Banka će mjesečno izvještavati Ministarstvo privrede o odobrenim finansiranjima, te o obračunu subvencije koja pripada svakom pojedinačnom finansiranju, u skladu sa rokovima korištenja, grace-periodom i ugovorenim periodom otplate.

3.9. Prilikom prvog monitoringa, šest mjeseci nakon odobrenja finansiranja, Korisnik finansiranja će dostaviti Banci sljedeće dokumente kako bi ostvario uslove za subvenciju:

- Izjavu u namjenskom korištenju sredstava finansiranja u dva primjerka sa svom pratećom dokumentacijom na ime dokaza,

- potvrde o izmirenim obavezama za direktne i indirektno poreze.

Korisnik finansiranja ostvaruje pravo na subvenciju ukoliko je namjenski iskoristio sredstva, uredno izmirio obaveze za poreze i obaveze za odobreno finansiranje. Banka će za ovakve Korisnike izvršiti isplatu subvencije i dostaviti dokaze o namjenskom korištenju Ministarstvu.

3.10. Za naredne monitoringe koji će se vršiti na polugodišnjem nivou Korisnik finansiranja ostvaruje pravo na subvenciju nakon što dostavi Banci potvrde o izmirenim porezima, direktnim i indirektnim, te ukoliko uredno servisira obaveze prema Banci za odobreno finansiranje. Banka će za ovakve korisnike izvršiti isplatu subvencije na polugodišnjem nivou.

3.11. Ukoliko Korisnik finansiranja ne dostavi propisanu dokumentaciju i ne ostvari pravo na subvenciju, Banka će o tome izvijestiti Ministarstvo u redovnom kvartalnom izvještaju. Subvencija će se isplatiti samo za periode za koje se utvrdi ispunjenje uslova.

### **4. PRAVO PRIVREDNIH DRUŠTAVA I OBRJNIKA NA APLICIRANJE ZA SUBVENCIONIRANJE KAMATNE STOPE ILI PROFITNE MARŽE**

4.1. Pravo apliciranja za finansiranje imaju privredna društva i obrtnici koji trajno obavljaju zakonom dozvoljene djelatnosti radi ostvarivanja dohotka odnosno dobiti koji:

- imaju sjedište na području Srednjobosanskog kantona
- uredno izmiruju svoje zakonom predviđene obaveze,

- aktivno posluju i imaju uposlene radnike,
- posluju likvidno i zadovoljavajućeg su boniteta,
- po osnovu tekuće kreditne zaduženosti, a prema podacima po Tekućoj IFRS klasifikaciji u kategoriji S1 ili u kategoriji S2 ukoliko Banka procijeni takvu klasifikaciju prihvatljivom sa stanovišta kreditnog rizika.

4.2. Sredstva se neće odobravati za projekte iz sljedećih oblasti:

- Poljoprivredna djelatnost,
- Proizvodnja oružja i vojne opreme,
- Duhanski proizvodi i alkoholna pića,
- Otvaranje i rad kasina i drugih objekata za igre na sreću,
- Državne institucije i preduzeća,
- Neprofitne fondacije, udruženja i organizacije,
- Sve vrste finansijskih institucija uključujući i banke,
- Kao i za druge djelatnosti i namjene koje su internim aktima odabrane banke označene kao nedopuštene.

## 5. KRITERIJI ZA ODABIR KORISNIKA LINIJE FINANSIRANJA

Odabir korisnika linije finansiranja vrednovat će se u rasponu od minimalno 0 do maksimalno 20 bodova na osnovu slijedećih kriterija :

- Vrsta djelatnosti (proizvodna, uslužna i proizvodno-uslužna): maksimalno 20
- Namjena utroška sredstava: maksimalno 20
- Proizvodi i usluge kojima se ostvaruje veća dodatna vrijednost i efekti na zaposlenost u Srednjobosanskom kantonu: maksimalno 10
- Izvori - način finansiranja projekata: maksimalno 20
- Orijentisanost ka izvozu: maksimalno 20
- Formalno-pravno uredna dokumenta za obezbjeđenje kredita: maksimalno 10

## 6. ROK I NAČIN PODNOŠENJA ZAHTJEVA PRIVREDNIH DRUŠTAVA I OBRTNIKA

- 6.1. Rok za podnošenje zahtjeva za finansiranje prema uslovima Javnog poziva počinje teći od dana objavljivanja u sredstvima javnog informisanja i traje do iskorištenja / rezervisanja iznosa predviđenog za subvenciju.
- 6.2. Zahtjevi sa potrebnom dokumentacijom podnose se u zatvorenim kovertama na adresu odabrane Banke.
- 6.3. Korisnik sredstava je u obavezi dostaviti odabranoj banci svu potrebnu dokumentaciju u svrhu dokaza ispunjenja posebnih uslova iz ugovora i ostvarivanja prava na subvencioniranje dijelakamate ili profitne marže.

## 7. OBRADA ZAHTJEVA I UGOVOR O FINANSIRANJU

Prijem zahtjeva, proces analize, obrade i odobravanja finansiranja iz sredstava subvencionirane linije vršit će se u skladu sa redovnim procedurama Banke. Ugovorom između Banke i Korisnika finansiranja definisat će se međusobne obaveze i prava ugovornih strana, te način korištenja finansiranja, kao i uslovi za isplatu subvencije. Za sva finansiranja je obavezan monitoring od strane Banke na polugodišnjem nivou.

## 8. OBAVEZE I ODGOVORNOSTI

8.1. Banka ima sljedeće obaveze i odgovornosti:

- da odobrena sredstva koristi namjenski za isplatu subvencije Korisnicima finansiranja u skladu sa Odluke Vlade Srednjobosanskog kantona o usvajanju Godišnjeg programa razvoja male

- privrede Srednjobosanskog kantona broj: 01-11.7-1269/2023 od 23.02.2023.godine, Javnim pozivom za odabir dvije banke za plasman kreditne linije uz subvencioniranje dijela kamatne stope ili profitne marže od strane Ministarstva privrede za privredna društva i obrtnike koji imaju sjedište na području Srednjobosanskog kantona i prijavom na Javni poziv.
- da nakon zaključenja ugovora sa Ministarstvom privrede u roku od 15. dana objavi Javni poziv privrednicima za dodjelu podsticajnih sredstava finansiranja;
- da po prijemu razmatra prijave aplikacija u skladu sa Ugovorom i Javnim pozivom, te provodi druge aktivnosti u skladu sa aktima i procedurama banke;
- da zaključi ugovore sa korisnicima finansiranja / kreditnih sredstava i jedan primjerak ugovora dostavi Ministarstvu.
- da obavijesti Ministarstvo o događajima koji su od posebnog značaja za implementaciju ovog Ugovora, a koji mogu da utječu na kašnjenje, ili potpunu obustavu implementacije, ili nepovoljnih uslova koji mogu finansijski utjecati na implementaciju ugovora ili utjecati na pravovremeno ispunjenje zadataka i ciljeva.
- da u svako doba po najavi predstavnika Ministarstva dogovori sa korisnikom finansiranja posjetu radi uvida u poslovne aktivnosti privrednog društva ili obrtnika;
- da u roku od 30 dana od odobravanja i ugovaranja svih finansiranja u okviru limita odobrenog iznosa subvencije dostavi Ministarstvu pregled svih ugovora, obračun i projekciju subvencije do kraja korištenja finansiranja.
- da vrati eventualno neiskorištena / nerezervisana sredstva subvencije po instrukciji Ministarstva, a po dostavljenom izvještaju nakon odobravanja svih finansiranja.

8.2. Nadležna ministarstva iz predmetne Odluke Vlade Srednjobosanskog kantona a svako iz svoje nadležnosti imaju slijedeće obaveze i odgovornosti:

- da izvrše uplatu odobrenih sredstava subvencije Banci u kumulativnom iznosu; u slučaju da Ministarstvo ne doznači sredstva za subvenciju, Banka nema obavezu isplate subvencije Korisniku finansiranja , te će o istom obavijestiti Korisnika i ugraditi ovakvu odredbu u ugovor o finansiranju.
- da daju saglasnost za odobravanje finansiranja po dostavljenim zahtjevima od strane Banke
- da prate poslovanje korisnika odobrenih finansiranja, informišu se na licu mjesta ili putem izvještaja Banke o uspješnosti i efektima ovog Ugovora
- da poduzimaju sva zakonom predviđena sredstva za povrat datih sredstava ako Banka u razumnom roku ne započne implementaciju ugovora, odobravanje finansiranja i iskorištavanje sredstava subvencije.

## **9. TRAJANJE I PREKID UGOVORA**

9.1. Ovaj ugovor stupa na snagu i postaje pravovaljan danom obostranog potpisivanja.

9.2. Plasmani po ovom Ugovoru će se odobravati do visine ukupno projektovane subvencije navedene u članu 2. tačka 2.1.

9.3. Svaka ugovorna strana ima pravo jednostranog otkaza ovog Ugovora uz otkazni rok od 90 dana, računajući od dana uručenja pismenog otkaza drugoj ugovornoj strani.

9.4. Eventualni jednostrani otkaz ne oslobađa ugovorne strane izvršenja preuzetih obaveza po ovom Ugovoru za predmete odnosno finansiranja koja su odobrena u periodu njegovog trajanja.

9.5. U skladu sa prethodnim stavom ugovorne strane se obavezuju izvršavati sve obaveze za finansiranja odobrena u periodu trajanja i po osnovu ovog Ugovora i to do isteka finansiranja odnosno konačne otplate finansiranja, bez obzira na međuvremeni eventualni raskid ovog Ugovora

9.6. Ugovorne strane su saglasne da će se početak implementacije ovog ugovora smatrati dan potpisivanja ugovora.

## 10. SASTAVNI DIJELOVI UGOVORA

Kao sastavni dio ovog ugovora smatra se: Prijava/Ponuda prvoplasirane banke; Prijava/Ponuda drugoplasirane banke sa izjavom o prihvatanju uslova iz Ponude/Prijave prvoplasirane banke (odnosi se samo na Ugovor drugoplasirane banke)

## 11. RJEŠAVANJE SPOROVA

Eventualni sporovi koji nastanu iz izvršavanja ovog ugovora, ugovorne strane će pokušati riješiti sporazumno. Ukoliko se sporazum ne postigne svaka strana ima pravo da se neposredno obrati nadležnom Općinskom sudu u Travniku.

## 12. OSTALE ODREDBE

12.1. Za sva pitanja koja nisu regulisana ovim Ugovorom, primjenjivat će se Zakon o obligacionim odnosima.

12.2. Pristup ličnim podacima Korisnika sredstava kojima raspolaže Banka ili Ministarstvo vršit će se isključivo u skladu sa važećim Zakonom o slobodi pristupa informacijama u Federaciji BiH.

12.3. Ugovorne strane konstatuju da su informacije i podaci koje razmjene Banka i Ministarstvo povjerljivi, te da će se obje ugovorne strane, sa podacima koji se odnose na fizička lica postupati u skladu sa Zakonom o zaštiti ličnih podataka.

12.4. Sve eventualne izmjene i dopune Ugovora bit će izvršene uz saglasnost i prihvatanje obje ugovorne strane i u pismenoj formi.

## 13. ZAVRŠNE ODREDBE

Ovaj ugovor sastavljen je u 4 (četiri) ista primjerka od kojih Ministarstvo privrede SBK, Ministarstvo finansija, Banka i Komisija za kontrolu poticajnih sredstava zadržavaju po 1 (jedan) primjerak.

**BANKA**

**MINISTARSTVO**

\_\_\_\_\_  
**Ministar**

Broj:

Broj:

Travnik,

2023.god.